



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Caput VIII. Ex Brochardico Lib. XLIII.

---

[urn:nbn:de:hbz:466:1-74544](#)

cum quibus habitant. Faciunt textus *in l. liberi, C. de inofficio. testam. l. 1. §. cùmpatronus, ff. de officio Praefect. Urb.* Ob quam etiam rationem si

Advocatus partis adversæ sit familiaris Judicis, rectè recusat, *cap. i. ubi latè probavi, de officio judicis.* Qui autem dicantur inimici, ut ab accusando repelli possint, latè prosequuntur Decian. Farin. & Jul. Clarus *ubi supra*

## C A P U T VIII.

<sup>a</sup> Ex Brochardico Lib. XLIII.

**A**ccusasti aliquem, & per tuam accusationem occisus est, nisi pro pace hoc feceris, XL dies in pane & aqua (quod <sup>b</sup> carena vocatur) cum septem & sequentibus Annis pœnitias. Si autem per tuam delatarum debilitatus est, per <sup>a</sup> tres debes quadragesimas pœnitire.

## N O T A E.

1.

<sup>a</sup> **B**rocardico.] Ita etiam legitur in prima collectione, *sub hoc tit. cap. 9.* sed legendum est, *ex Burchardo lib. 19.* ubi textus ita legitur. Accusasti aliquem, & per tuam accusationem occisus est, nisi pro pace, quadragesima dies in pane & aqua, quod carenam vocant, cum septem & sequentibus annis pœnitire debes. Si autem per tuam delatarum debilitatus est, tres quadragesimas pœnitire debes. Quem textum cum aliis illius libri transcriptis Burchardus expedit, Romano, c. 25. ubi ita habetur: *Accusasti aliquem, & per tuam accusationem occisus est, nisi pro pace, quadragesima dies in pane & aqua, cum septem & sequentibus annis pœnitire debes. Si autem per tuam delatarum debilitatus est, tres quadragesimas pœnitire debes per legitimas ferias.* Quæ verba si rectè conferantur cum suprà relatis à Raymundo, facile constabit, ea verba hoc feceris, deesse in aliis codicibus, & etiam deesse ultima illa verba, *per legitimas ferias.* De hoc decreto Burchardi, & ejus autoritate nonnulla adduxi in apparatus ad hæc commentaria, de Pœnit. Romano & ejus utilitate jam nonnulla notavi in *cap. 3. de furtis.* Et licet hodiè nō sint in usu canones illi pœnitentiales, adhuc tamen eorum notitia non est inutile, aut otiosa, ut docuerunt Joannes Andreas in *cap. 2. de emption. & vendit.* Anton. Augusti in *hoc textu,* qui afferuit præsenti capite sine magno dispendio nos carere potuisse: a quo acceptit Gentilis de *libris jur. Canonici,* fol. 40. nam Confessariis valde utilis est notitia horum Canonum, ut agnoscant peccatorum gravitatem, & pro arbitrio sibi relicto pœnitentiam salutiferam illis imponant, ut observarunt Panormitanus in *fin. de pœnit.* Naufractus in *manuali,* cap. 26. num. 19. Et in Conciliis Coloniensi & Mediolanensi sub D. Carolo, p. 1. tit. 9. valde Confessariis commendatur istorum Canonum notitia.

<sup>2.</sup> **C**arena] Hujus vocis etymon, & significatio nem adduxi in *cap. 2. de spons. duorum.*

**C**sequentibus annis.] Non intelligas Annos continuos, ut per singulos dies pœnitentia agi debet, sed per quodam dies in unaquaque hebdomada, qui vulgo legitimæ ferias dicebantur, ut feria 2. 4. & 6. juxta caput de illis 11. quæst. 5. ubi Glossa *cap. i. junctâ Glossâ verbo Legimus, 22. quæst. 5. Couarruu. lib. 4. var. cap. 20. num. 8. Soto, & alii congesti à Cenedo collect. 9. ad Decretales, num. 4.* juxta quorum sententiam Canones omnes, qui agunt de pœnitentia per annos, aut dies peragenda, nec modum exprimunt, quo

adimpleri debeat, intlligendi sunt de pœnitentia per jejunia, aut similia opera certis hebdomada diebus Confessoris arbitrio adimplenda.

**T**res quadragesimas.] Non intelligas quadragesimas trium annorum, quasi singulæ ad singulos annos referantur, ut hodie in usu sunt, *ex c. quadragesima, de consecr. dñi. 5.* sed accipiuntur pro tribus quadragesimis in singulis annis, prout olim observabantur, scilicet una ante Nativitatem Domini, alia ante resurrectionem, tertia ante festum Divi Joannis Baptiste, ut notavit post Jul. Lauorum Barb. in *presenti:* de quibus quadragesimis egí in *cap. conquerias, de ferias.*

**P**œnitere.] Licet pœnitentiae pro foro interiori non sint hodie in jure pro singulis peccatis prescripta, sed omnes relinquuntur arbitrio prudentis Confessorii, juxta eorum gravitatem, personarum qualitates, & alias circumstantias, *cap. Deus, cap. omnis de pœnit. & remissi.* ut post Div. Thomam docet Navarr. in *manuali, ca. 26. n. 17.* pluribus relatis Cenedo *dict. collect. 9. num. 5.* & colligitur ex Trident. *sess. 14. c. 7.* primis tamen Ecclesiæ temporibus per Canones pœnitentiales quibusdam criminibus certa & prescripta erat pœnitentia, ut constat ex pœnitentialibus Rom. Bedæ, & aliis compilatis, & notis illustratis ab Anton. Augustin. ad calcem epitomes juris Pontificii. Et licet vulgo tradi soleat, per Canones illos pro' quo vis peccato mortali impositum fuisse pœnitentiam septem annorum, ut docuit Glossa penultima in *c. ult. 22. q. 1.* quæ communiter recipranc esse constat ex Navarr. *ubi supra, num. 17. Cenedo dict. collect. 9. num. 4.* pro quibus expenditur id quod habetur *lib. 2. Regum, cap. 12.* & refertur in *cap. hoc ipsum, 3. qu. 3.* & quod habatur *cap. 4. Daniels:* id tamen non satis probatur aliquo Canone, nec verum esse, post Diuum Thomam probat Navarr. *ubi proxime,* pro quo expendi potest præsens textus, qui ut suprà notavi, deductus est ex dicto Pœnitent. Romano, agitque de peccato mortali; & tamen non imponit pœnitentiam septem Annorum, sed maiorem, ut in priori casu; vel minorem, ut in posteriori. Nec tunc obstat textus in *d. c. hoc ipsum, vers. hinc etiam;* quia in eo agitur non de quounque peccato mortali, sed de vitiis, aut criminibus gravioribus, ut sunt perjurium, adulterium, & similia, juxta caput *Apollonius, 81. dist.* pro aliis enim est mortalitatem, non imponebatur septennii pœnitentia, ut advertunt Sotus & alii congesti à Cenedo *ubi proxime.*

COMMEN-

# Tit. I. De accusationibus.

21

## COMMENTARIUM.

**O**MNES de accusationibus scribentes, & alii plures Moralista disputant, licetrumne, an honestum sit accusatorum officium? Et an in utroq; foro impunè liceat reum criminis accusare? Et licet ac honestum esse reum criminis in judicium deferre ad vindictam publicam probatur ex eo, quia dum ita criminosi accusati coercentur, virtutis actus exercetur, quies, & bonum Reipublicæ intenditur, & conservatur, dum crimina vitantur; & cum criminoſi pœnū afficiuntur, reliqu cives meliores redduntur, ut latè probavi in cap. inter alia, de immunitate Ecclesie, cap. sententiam ne clericis vel Monachis faciunt textus diligenter in l. si quis in hoc genere ibi: Sitque canitatis laudabile: &c. l. nulli ibi: Tam lande, quam honestate, & ac pariter pietate non careat; C. de Episc. & Cleric. cap. & qui emendat. 4. dist. cap. quapropter, 2. q. 7. c. si quis per capillum. 22. quæst. 1. cap. si quis qui prelaus 23. q. 4. cap. si quis contristatus, 90. dist. l. C. de famosis libellis, l. eum qui 18. vers. peccata, ff. deinariis: docet Divus Thomas 2.2. quæst. 68. art. 1. & communem dicit Sotus de legendo secreto membro 2. quæst. 5. & lib. 5. de iustitia. qu. 5. art. 1. Paz in praxi, tom. 1. p. 4. cap. 3. num. 1. usque ad 6. Gibalinus de negotiatione tom. 2. lib. 6. cap. 3. art. 5. Gomez de delicti. lib. 3. cap. 1. num. 9. Covar. lib. 1. variar. cap. 10. num. ultim. & lib. 2. cap. 11. num. 7. Decianus tract. crimin. lib. 3. cap. 4. & constat, quia plerumque in jure premia accusatoribus praestantur, l. 1. §. accusatoribus, C. de falsam moneta, l. non omnes, in fine, ff. de remilit. l. editio, §. heredes, ff. de jure fisci, & aliis. Contraria tamen sententia, videlicet accusatorum munus injuriosum, ac exitiosum esse, maximè si delibus Christianis, suadetur ex cap. si quis Episcopus 2. quæst. 7. ubi accusatio dicitur genus illudibilis intentionis. Et quod accusans plus invide quam charitatis stimulis incitetur, referunt in cap. si omnia 6. quæst. 1. Deinde quia accusator per accusationem fit inimicus, cap. accusatores, quæst. 5. §. item propter, Inst. de excus. int. & insuper accusator exponit pericula sustinendi pœnam talionis, cuius ratione accusationis subscribit, c. super his hoc titul. Deinde passim in jure Clerici, & alia persona repelluntur ab accusatione, cap. 1. cum sequent. 2. quæst. 7. & si accusatio licita, honestaque esset, nullus ab ea repelleretur. Tandem quia alienum videret à perfectione christiana, alium fortasse jam emendatum de crimen accusare, contraria illud Matthaei cap. 5. Ego autem dicto vobis, non resistere, &c. & cap. 6. ibi: Si non dimiseritis, &c. & Pauli ad Romanos cap. 12. ibi: Non vos defendentes, alias vindicantes charissimi; sed date locum iræ. Tandem facit præfus textus, ubi gravis poenitentia imponitur accusatori, si pena capitalis sequitur; modo lenior, si pena non ita gravis sequitur. Faciunt alia, quæ adduxi in cap. 70. Concil. Illiber. quæ hinc consulto non reperio.

Sed adhuc prior sententia retinenda est, pro cuius expositione notari oportet, quod licet accusatio ex parte accusatoris censetur periculosa, eo quod non facilè fit ubi & quando, & ut oportet; tunc quia, ut advertit Soto d. conclus. 2. accusator raro habet animi rectitudinem ad zelum iustitiae, & plerumque moveret odio; tunc etiam quia in multis aliis difficile est servare omnes debitum circumstantias, tam ratione personarum,

quæ accusant, & accusantur, quam respectu temporis, loci, & similium; quam ob causam cautè procedere debent accusatores, ne ad judicium profiliant nisi bono animo, & servatis fervidis, ut quam umque effugiant sinistram suspicionem. Tamen hac sententia retentâ, non obstant fundamenta contraria. Non primum deducetur ex dict. cap. si quis Episcopus, cap. Simonia. Nam textus illi procedunt in accusatione absque debitum circumstantiis proposita. Quo casu accusatio injusta est, non quia illicitum est accusare, sed propter malitiam accusantis, & ejus improbum animum. Nec obstat, accusatorem inimicum manere, nam id non provenit ex eo, quia accusator inimicus verè sit, sed quia plerumque, & attentâ hominum opinione solent ex accusatione præfertim gravi, inimicitæ & discordia oriri inter accusatorem, & accusatum, quemadmodum ex eadem ratione quoad plures juris effectus censerunt inimici, qui super omnibus bonis, vel majori eorum parte civiliter litigant, dict. §. item propter. Quam æquiparationem probant difterè textus in authent. si testis, vers. sive rō, C. de testimoniis, cap. 1. dicitur spol. lib. 6. in fine princip. Et tamen nemo negat, justum, & licitum esse civiliter agere, & litigare super omnibus bonis, vel majori eorum parte, dummodo justè fiat. Nec obstat, quod Clericis, & aliis personis prohibetur accusare; nam id non provenit ex eo, quia inustum sit, sed quia similibus personis indecens est, ut etiam alia illis prohibentur in cap. 1. de fiduciis, cap. 1. & per totum, nec Clericis, vel Monachi: quæ ab aliis personis non in honestè exercentur.

7.  
Præse-  
tis tex-  
tus va-  
ri in-  
terpre-  
tationes.

Nec tandem obstat præfus textus, quem accipiunt Glossa, & communiter repentes de accusatione non vera, sed caluniosa, & de accusatore, qui falso accusavit. Quæ interpretatione convincitur, tunc quia ex textu non constat de tali calunnia, quæ in dubio præsumenda non est, præfertim in eo, qui crimen, de quo accusavit, adeo plenè in judicio probavit, ut reus capituli sententiâ damnari merisset, ut considerat Mascardus de probat. conclus. 254. num. 12. tunc etiam, quia in illis verbis, nisi propacè, excusat talis accusator, si pro pa. e, & publico bono fecit; & tamen si per calumniam accusasset innocentem, etiam pro pa. e, & bono publico, graviter peccasset, ut probat Divus Thomas 2.2. quæst. 64. artic. 6. Sotus lib. 5. de iustit. quæst. 1. art. 7. Alii autem, quos refert, & sequitur Covar. in Clement. si furiosus, part. 2. §. 5. num. 4. accipiunt textum hunc tantum in Clericis accusantibus. Verum hæc interpretatione codem divinationis virtus laborat, cum generaliter agatur in hoc textu de quolibet accusatore, nulla Clerici, vel laici facta mentione Accedit, quia Clericus præmisit protestatione, de qua in cap. 2. de homicid. lib. 6. ritè reum criminis in judicium deferit: unde textus hic ad Clericos tantum referri non potest. Quare his omissis placet communis interpretatione eorum, qui Canonem hunc accipiunt de eo accusatore, qui jure reum criminis accusat, & per veras probationes convincit, sed pravo animo, ex rancore & odio, ut seculciscatur ex privata vindicta, & damnum inferat accusato, quem interfici, vel debilitari ex odio procurat; & ita accusat, non ut Reipublicæ, & ejus paci consuet per publicam vindictam, qui propter finem leth. liter

lethaliter malum graviter peccat, cap. ea vindicta, 23. quest. 4. cap. cum minister 23. quest. 5. D. Thomas 2. 2. quest. 68. artic. 1. docet Decianus lib. 3. tract. crimin. cap. 4. num. 5. expendens illa verba latonis in Euthypao: Sanctum est in iudicium trahere eum, qui iniustè aliquid egit, vel circasades, vel sacrilegia, sive pater, sive mater, seu quisvis deliquerit, modo id faciat, ut patriam quis velut peste quadam liberet. Merito ergo in praesenti sic ex odio, & pravo animo accusans, ad mortem, seu membra debilitationem, ut graviter delinquis, punitur.

8.  
Defen-  
ditur  
vera in-  
terpre-  
tatio.

Nec obstat si dicas, interpretationem hanc in idem virtutum incidere, ac superior Glossæ intellectus: tunc quia sicut calumnia non presumitur, ita nec pravus animus, odium aut privata vindicta zelus presumi debet: tunc etiam quia similiter verba illa pro pace, innuant accusatorem, de quo in praesenti, pro bono pacis accusantem nullâ poenâ esse afficiendum; & tamen si pravo animo, & odio, quamvis pro pace accusaverit, graviter peccat; quia malum, seu malefacit dum pravo animo, & odio, & ad finem privatæ vindictæ pacem, & bonum Reipublicæ intendens accusat, ut ex D. Thoma & aliis probat Covarru. lib. 2. var. cap. 10. num. 7. Licet enim non sufficiat, quod finis sit bonus, ut ipse quoque actus bonus dicatur, cap. forte, cap. denique, 14. quest. 5. sufficit tamen finem esse malum, ut etiam actus, quamvis alius bonus, malus sit, ut probant Boerius in presenti. Navarr. in dict. cap. denique. Nam adhuc defendenda est communis interpretatio, pro cuius expositione sciendum est, pacem in praesenti non accipi pro ea, quæ opponitur bello, de qua egi in cap. 1. de rebus & pace: sed pro tranquillitate, seu quiete communi, & ita pro bono publico, juxta Aretinum & omnes repentes in presenti. Deinde notandum est, dictio nis, non tam accipi in praesenti exceptivè ad denotandam exceptionem pro præterquam, verum etiam pro si non, ut in l. feminis 8. ubi Glossa 2. ff. de Senator. l. 2. C. si mancipium. Tradunt Albericus in dictior. verbo Nisi, Barbola de dict. eod. verbo. Et in ipso pœnitentiali Romano accipitur pro & non, dum in cap. 5. de contempnū jejuniū, ita legitur: Solvisti jejunium in quadragesima, antequam vesperinum celebraretur officium, nisi proper infirmatum, si fecisti, pro unoquaque die, &c. His prætermissemus dum textus hic ait: Accusasti hominem, & per tuam accusationem occisis est, nisi pro pace, id est pro quiete, & bono communi; vel si non pro quiete, & bono communi; vel & non pro quiete, & bono communi; perinde est ac si dicat, accusasti hominem, & per tuam accusationem occisis est, si malo animo, & ex odio accusasti, &c. nam quandò principaliter accusat ad mortem, vel debilitationem, & sic ad pœnam publicam, non pro pace, & bono communi, nec ad publicam utilitatem, cum nequeat ad suum commodum propriè accusare, quamvis civiliter agere valeat; necessariò accusat ex odio, & pravo animo, ad privatam vindictam; non vero ad utilitatem publicam: & ita verba illa, nisi pro pace, non limitant decisionem hujus textus, sed qualificant verbum Accusasti, & accusatio-

nem de qua hic, ac proinde continent requisitum, & qualitatem omnino: & in hunc sensum verba illa, nisi pro pace, non ponuntur in fine textus post prescriptam pœnitentiam, sed in principio, ut ita significetur, per Canonem hunc imponi pœnitentiam accusanti non pro pace, aut animo pacis, sed pro odio; & consequenter textum hunc non limitari in eo, qui pro pace, & bono animo accusat, sed in eo tantum procedere, qui non pro pace & bono zelo, sed è converso accusat: & ita defenditur communis interpretatio, & cœsat utraque difficultas suprà expensa; siquidem ex predicti verbis, nisi pro pace, rectè intellectis, colligitur textum hunc agere tantum de eo, qui pravo animo accusat; & per ea verba non limitari ejus sanctionem, sed concludi, illam in eo casu procedere. Etsi Vincentius Abbas num. 1. Aretinus num. 2. aliter accipiunt verba illa, pro pace, referendo non ad verbum accusasti, sed ad sequentia ibi, pœnitere debes, quia in hoc textu non agatur de eo qui pro pace accusavit, sed de illo, qui pro pace pœnitere non debet, & ita sensus sit: pœnitere debes, nisi pro pace, id est pro componenda pace, vel sedando scandalum pœnitentiam omittas; inde inferentes pœnitentiam alias necessariam omitti posse pro pace componenda, & scandalum sedando; quemadmodum ex eadem causa plura alia omituntur, cap. nisi, vers. pro gravi, dene-nuntias. cap. 2. ubi notavi, de rescript. cap. 2. de despicio, impub. Sed intellectus hic facile refellitur ex verbis illis, nisi pro pace hoc feceris; quæ necessariò referenda sunt ad accusationem, nec referri possunt ad pœnitentiam omissam; quia si adhuc referrentur, dicaret textus, nisi pro pace non feceris. Unde infertur, textum hunc non procedere ubi quis principaliter pro pace & bono communi accusat, & tamen secundariò, & minus principaliter, per humanam fragilitatem habet qualisque pravum animum nocendi accusato ex vindicta privata; nam is animus, qui non mortale, sed veniale tantummodo peccatum gignit, ut resolvunt Covarru. ubi supra, Navarr. in manuali, capit. 25. num. 1. non meretur gravissimam pœnitentiam, de qua hic, imponendam tantummodo ei, qui principaliter, non pro pace, & bono communi, sed per contumaciam accusat; id que satis significant verba illa, nisi pro pace, quæ sunt intelligenda principaliter, argumento legis. §. 1. junctā Glossā verbo Singulorum, ff. de iug. & iur. l. de unoquaque 37. junctā Clofā 2. ff. de re judicata. Nec obstat, quod juxta hunc communem intellectum, si textus hic agit de eo, qui odio, & pravo animo ac usavit, frustra expenditur, quod per hujusmodi accusationem reus capite damnatus, vel debilitatus sit: quia licet neutrum ex his duobus contingat, immò etsi reus absoltus sit, adhuc accusator, ut potè mortaliter peccans, pœnitentiam subire debet. Nam respondet fatendo, pœnitentiam esse imponendam accusanti ex pravo animo, etsi reus absoltus sit; non tamen eam, quam præsens textus præscribit accusanti ex pravo animo, cum sententia capitalis sequuta est.

CAPUT